

善之函越之鑄淇泉之竹箭青兗之織文其地氣然哉南
樞而北枳所由來漸矣故曰貉不踰汶鸚鵡不踰濟夫精
尊所萃也惟人亦爾曲於禹貢實冀州都會之聚靈淑之
所鍾磊落而英多闔代不乏迹其所以自見類赫乎揭壘
贖而開之下亦溫良醇茂足爲後進法列其行事各比類
以從作人物志

忠節

後晉

土 清字去瑕事晉爲奉國都虞侯從杜重威戰陽城
以功最加檢校司徒是冬重威軍中度橋南營孤食
盡清請爲先鋒奪橋入鎮州已而重威有異志清曰
吾獨死此矣因力戰死漢高祖立贈太傅

宋

李若水字清卿上舍登第靖康二年以吏部侍郎扈帝
入金營金人逼帝易衣若水抱持哭

粘罕令擁之去

明

李 竚壯偉慷慨有國士風嘉靖間倭寇猖獗督府胡公署中軍指揮每戰先登當者輒辟易後以衆寡不敵軍覆被執奮呼曰丈夫不能殺奴報國死耳復何言倭怒支解之

路振飛字皓月天啓乙丑進士崇禎末爲漕運都御史逆闖之亂泣血勤王撫大盜徐繼孔擒僞官呂弼周等江淮保障屹若金湯說者謂宋張魏公後一人以

由居縣志
卷一
憂去職間關海道矢死不移唐藩立屢疏皆切時弊
適鄭氏用事格不用賁志以歿天下惜之

張修身字明德以武舉任茨溝營千總崇禎七年防邊
被執脅令詐茨溝城不從以刃劫之志愈堅遂見殺
事聞厯一子總旗食百戶俸

張鷹揚武進士豐臚修幹日炯炯有光授陳州守備值
流寇之亂孤城莫救攻破之左右言公授任日淺應
不坐盡爲去計怒叱曰此吾死所也揮短兵巷戰力

屈死

冀運洪 岳 澤 王 瀛 霍 度皆邑諸生崇禎

甲申逆闖置僞官紳士逃竄四生首義舉奉舊丞張
天爵攝縣事執僞令孫應震繫別所發崇禎帝喪敵
血盟衆聞德州義師起遣使結援布署未定僞令腹
心張守忠等懼禍及遂作亂鼓譟破械出僞令次第
捕逐天爵及四生皆被執不屈死之天爵見宦蹟

政事

晉

程 衛字長元少立操行繼正方嚴劉毅辟爲都官從

事毅奏中護軍羊琇犯憲應死晉武帝與琇有舊遣
齊王攸喻毅毅許之衛正色以爲不可徑馳車入護
軍營收琇屬吏考問陰私先奏琇所犯然後言於毅
名振遐邇百官厲行遂辟公府掾歷安定頓邱太守
所蒞著績皆以事幹顯

元魏

程駿字麟駒曲安人少孤貧居喪以孝稱性機敏好
學勵行仕魏爲著作佐郎除高密太守尋拜秘書令
會遷顯祖神主於太廟有司奏執事官例賜爵駿獨

持不可奏止之屢議軍國皆別白當典禮一時無出
其右文明太后詔曰程駿歷官清慎言事每愜可賜
帛六百匹旌其儉德太和九年卒遺令薄葬贈冠軍
將軍薊州刺史曲安侯謚曰憲所制文筆自有集錄
子公義沛郡太守公稱尚書郎

按舊志及通志府志俱載駿名今考魏書程駿本
曲安人六世祖良坐事流涼州祖肇爲呂光民部
尚書是駿久爲涼州人矣宜不得附本邑人物然
物邇所自始水木之有源本不可沒也况耆德高
風行方藉以爲重
姑叙入以備參考

唐

程名振高祖授永寧令經畧河北拜平壤道行軍總管
能以少擊衆號爲名將累封東平郡公贈右衛大將
軍諡曰烈

程務挺名振子少從父征討以勇力聞拜中郎將遷右
武衛將軍嗣聖初爲單于道安撫大使突厥憚之不
敢盜邊

五代

霍存驍勇善騎射仕梁爲諸軍都指揮使從攻潞州
與晉人戰馬牢川晉兵却以存爲曹州刺史攻鄆州

擊朱瑾敗之中流矢卒

霍彥威存養子字子重以功拜洛州刺史李茂貞攻邠
彥威固守踰年每獲敵必還之敵德彥威不復攻唐
莊宗賜姓名李紹真鎮平盧卒謚忠武

明

張 璉歲貢窮經立志當官有經濟才所在著聲歷任
河南右布政使清惠廉平推循卓第一

李 仁嘉靖進士少貧力學以名節自勵授戶部主事
分司許墅關却常例裁耗羨終任不名一錢一時頌

德爲立水鑑碑仕至員外郎

楊進道號克齋嘉靖進士清苦力學居官持正仕至陝西僉事忤嚴嵩歸

牛山木號養菴嘉靖進士初爲萊陽令摘奸剔蠹悉釐諸裨政邑多大滑以次置於法蠲賦開荒田野日闢陞戶部郎督儲代州值有邊警難民數千來歸城鎗下無敢內者男女號城外急言於撫臣入之且曰苟有變某任其罪民得全活甚衆歷遷口北道僉事

王一鶚號雲衢嘉靖間垂髫成進士才識敏練尤長於

兵始爲職方主事值兵變單騎諭之亂遂定守建寧
有倭警循城置守甘苦同士卒城賴以全歷巡撫宣
大總督遼薊出入兵間籌畫無遺算迅機決策鑿鑿
當要領邊賴以帖晉兵部尚書加宮保扈神宗幸山
陵帝親解玉環賜之卒賜祭葬

陳于陞字蓋齋嘉靖進士初授慶陽推官擢禮部郎爲
東宮講官甚見推重晉太常卿以忤張居正罷歸江
陵敗起右副都御史尋以侍郎督漕運却例金十三
萬陞戶部尚書卒卒之日囊餘八金而已賜祭葬贈

田居縣志 卷之一五
太子太保子廕

秦邦彥字子美嘉靖舉人早歲失怙事母以孝聞直質
負氣與人無飾言始仕爲磁州知州漳水泛溢害旁
郡邑築三台口以障之瀕河獲免陷溺民事視家他
政績率類此終員外郎

秦吉士字子敬邦彥弟少孤從兄邦彥學嘉靖間登進
士令寧陽招流移清逋賦邑以大治繼主文選事請
託杜絕銓署一清歷山西左布政籌邊措餉從容中
條理吏懾民懷時翕然稱之丁母艱歸江陵構之遂

不起

苗淳然字實齋隆慶進士爲禮部主事神宗建儲未定
舉朝爭之而朝鮮適有廢長立次之請淳然慮惑朝
聽焚其表不以聞宗伯慙懼上問其以實對上領之
遷陝西叅政劾墨吏並及銓撫直聲震一時終行太
僕寺少卿

牛維炳字承菴山木子萬曆進士爲給事中疏請勤學
視政停選宮女皆嘉納之真人張國祥乞修壇廟兩
官撥銀三萬兩已出國門疏上追還陝西旱維炳以

封王入境馳疏請賑全活甚衆終徽寧道副使

聶雲翰字搏羽萬歷進士知崑山公廉執法不畏疆禦擢兵部主事貧不能治裝崑人醵金贖麾不受改禮部數上封事皆慷慨切時務忤權貴未獲施行舉朝惜之

唐謙吉字伯益萬曆舉人初知石首縣築長堤以禦患民無水害遷牧解州值歲荒力請賑饑全活甚衆陞刑部郎當逆奄羅織時持法平允忤璫不顧也終郎

陽知府

張師孟字泰巖萬曆進士爲山陽令良才財應與
弊洞若觀火擢御史巡鹽兩浙清介自矢羨金數萬
餘悉以充公晉太僕少卿

聶雲翹字澹心雲翰弟萬曆舉人任魏縣諭遷國學列
疏擊魏瑞擢工部郎權稅中河病歸杜門却掃一
自娛會有邊警揭見危授命字於壁遣二妾去積薪
樓下坐其上命家人曰城陷則焚之後屢薦不起

劉九成字子韶萬曆舉人諭還安擢知岢嵐州值歲歉
多方撫輯不忍鞭扑時軍興需餉部牒急徵九成曰

吾終不以萬命易一官署下考投劾去居家制行醇篤撫庶弟有恩終身不異爨

霍允猷字入白萬歷進士初授戶部主事督餉薊州出知兗州府歷武德兵備所至有聲性坦率好施與捐貲修學輸粟賑饑義舉甚夥晚以詩酒自娛邑至今推之

劉榮嗣字敬仲萬歷進士授戶部主事管銀庫矯發金華銀濟邊雖獲罪不恤累遷工部尚書總督河道挽黃治泐備極勞悴爲忘者所中逮繫卒天下惜之性

孝友喜賓客詩文書畫皆卓然成家有簡齋集行世
王介字念南萬歷舉人方嚴清卓事母以孝聞鄰人
重其行資以財不受諭定典陳時務三策臺使者奇
之薦擢東平知州爲政廉平無贖鍰之入時奄人方
用事大吏曲屈相迎附心不能堪投劾歸家無儋石
以傳經遺子孫至今數廉吏者以首稱

秦廷奏字聖俞崇禎進士歷知輝縣潁上汝陽皆以廉
明稱在汝值闖亂禦備有方擢御史巡按宣大巖疆
多事兵機紛馳調度兵食規畫戰守邊境賴之尋以

勞悴卒於官贈太僕寺少卿

本朝

李嘉彥字俊之崇禎進士順治初爲兵部郎中奉差園
撥履畝稱平仕至河南按察使仁心決獄多所平反
王顯字純伯崇禎進士順治初授河南道御史督饘
兩浙疏陳鹽政要務在招商恤灶二事申明掣驗之
規銳毀之法商民戴德立祠肖像祀之轉湖廣僉事
時蘄黃叛服不常飭弁勵兵力制竊發屬郡賴以寧

謚著有按浙草及奏議詩集行世

王顯祚字襄璞崇禎舉人大司馬一鶚嗣孫值逆闖亂
謀城守不克間道走山左爲討賊計順治初授兗州
守歷山西布政使籌邊措餉動中機宜性慷慨嘗有
故人虧帑數千金其子來謁留數日及去則已盡償
所負矣時以爲有郭代公之風

楊 峻字冬可崇禎舉人順治間令桐鄉桐鄉新造邑
伏莽竊發至則單騎往諭悉解散爲良民擢工曹出
守潞安陞廣東按察使適孫逆將爲亂 上遣內大
臣鞠之司臬應主筆孫逆啖之不動脅以兵卒不可

易同官稱其忠勇尋以養母歸

王澤洪字郇雨顯之子以官貢授泉州倅歷饒州守甲寅初逆氛告急廣信已應賊饒大震方儲糧清野爲城守計而城守叅將程鳳者陰與賊合勒兵反被執脅以刃不屈乃擗之行至弋陽橋乘間躍水中民船救之獲不死間關赴省從幕府討賊轉運糧儲力勦軍務未幾復饒州仍知府事以積勞卒

王鄰字欽四介孫康熙進士令太平剛明清毅百廢俱興以最知邠州旋知隰州興學賑荒種種皆實政

關右饑漕晉粟輸之奉檄發禹門石撞舟碎忍死勸
事秦民皆獲濟尋以勤勞獲疾請告後家徒壁立所
著有問津園詩草

秦 恪字欽亮康熙進士德粹品端文學冠一時釋褐
授同安令時海燭方張民不堪軍興擾力爲休息雖
獲譴不顧濱海幸免流亡未幾以疾歸杜門習靜非
問字生徒外不交一人喜宋儒書雅不好釋老著書
論文學者宗之

卞 卞字文益鄰弟康熙進士博學工文出語邁流輩

授中書舍人遷刑曹明懇平反案無冤牘晉禮曹知
雷州府時海氛初帖兵悍不可制而濱海遠郡派累
且不貲下車後力振頽靡營弁悉遵法勒碑通衢永
革科歛積習爲之一改歸里日舟輕一葉時謂再見
隱之云

劉佑字雲麓司空榮嗣孫穎悟工詩以拔貢令斬水

時大亂初平有悍民范忝伯者率衆不法當事欲勦
以爲功方爭之罷勦議撫全活無算擢知秦州民以
舊逋繫獄者數百家具揭撫軍盡釋之嗣以公事免

再赴高唐州進三逆皆叛高唐居上游大軍絡繹志
力支拄不忍絲毫爲民累著有尋遠樓詩集

岳 懋字子恒康熙進士知雩都縣舊例派於民悉捐
除之引諸生爲文會雖政務沓雜有以文謁者必延
接見後以蜚語就逮雩民奔走號寃致餼脯備舟楫
日以千數剛直不合卒去官去後民尸祝之爲建祠
肖像春秋勤祀事之曰其父母

王 楨字宸楓澤洪子幼從父宦四方諳達吏治以貢
生冷蕪湖長才肆應揮霍有餘勸農治水民賴以安

期年中決疑獄數案革陋弊十餘則德立信孚時以爲最

土澤長字說霖澤洪從弟康熙進士任偃師令平恕明察吏民畏服時奉命截漕二十萬饑秦省受檄襄事於觀音堂收兌適黃水泛溢月餘不得前乃決策白撫軍立廠孫家灣民不累而事集以廉能擢御史尋卒於官

冀靖遠字揆文康熙進士初任峽江令苦田賦不清請於當事履畝丈勘積弊一洗以最遷知朔州已而改

泉州倅攝晉江民有行賄千金欲構成其族孫罪者
叱却之爲自其寃頃之引疾歸詩酒林泉口不談世
俗事卒之歲年八十有八

楊維楫字濟公駿之子歲貢授贊皇諭丁外艱服闋補
靜海宏獎士類文風丕變歸里後邑令欽其德舉鄉
飲賓卒之日贊邑諸生越數百里來弔奠

秦擴字知四廷奏曾孫康熙進士任馬邑令馬邑雲
中地逼近邊塞又明季兵火後瘡痍未復多方撫綏
流亡日歸涖任七載以勞卒官

王涵煥字漢珠楨子喜嘍詩工書爲諸生時言經濟輒
鑿鑿以歲貢知西安縣歲歉具揭爲民請命一抒積
逋之累歷金華延安同知皆有聲初知西安時有縣
役殺其兄誣人者廉得其狀法之任金華西安民爭
遮道迎金大姓有以析產訟者出橐中賂叱去之後
以引年歸所著有撚鬚吟

王庭蘭字謝佳鄖子性方潔工爲文以舉人令崇信適
軍興旁午委曲調劑民不擾而事集時有黠徒以謀
逆構族人按驗涉疑似衆相視莫決司臬檄治之一

鞠得情白其誣有神明之謠久之以伉直引歸朝抵舍而暮斷炊矣時多相傳者

秦揚字德聞癸未進士選恩平令邑濱海多盜捐俸備戰船設練總以守以巡民獲安堵又查灶陋規不下三千金悉予革除多惠政祠邑名宦

彭憲祖字仲嵩癸酉舉人任嘉善令革陋弊恤民艱歷三載暑冷風清囹圄空虛以年老解組

王樸字維初澤洪子和平坦易與物無忤以貢生訓導南樂課士有方例改江南縣倅權關蕪湖查革浮

冒相弊以清後以定遠簿分治北爐卒

王涵炯字文昭貢生爲內邱訓導坦濶樂易而持正有
守邑文廟有古栢數株縣宰欲售之持不可宰啖以
利毅然曰炯職守在是豈以利動乎事遂寢後內邑
歲荒佐縣宰辦賑以勞瘁卒官士民立碑追思之

文學

明

魏舜愷字八峯博綜羣書攻古文詞不倦時李何方盛
行獨堅守唐宋法所爲文渾樸古雅有大家風嘉靖

未貢成均不仕

荆來貢號懷璧高才博學喜爲詩古文皆有法度成一
家言重修邑志時謂有史才萬厯間舉人

聶明璉自號太樸山人博極羣書爲詩有氣骨不作唐
以後語家藏萬卷悉加披閱每出一語洞開肯要以
廩貢成均不仕

本朝

王體健號清有介子前明諸生伉爽有奇氣值兵荒苦
盜掠以科位法部署里人皆獲無恙 國初棄舉子

出屋集元 卷之十五
業從夏峰孫徵君講性命之學深入窅奧初喜爲詩
入元白之室至是刊落浮華一歸理道耆德醇儒無
出其右著有讀駱齋詩集六卷

劉逢源字津逮貢生少好讀書經史星數河洛之學悉
能解會喜談兵好擊劔嘗手抄二十一史讐對精蘊
又他書近千卷一時名士皆從之遊所著有積書
及漫興等稿

霍映秀字爾公康熙初貢生能詩工宋元詞爲文揮灑
直隸年七十餘猶拈詩自課所著書載續志今傳之

秦益謙字虛受恪子以著述世其業鑽研理學德粹
端行文法先正爲學者宗仰著四書遵朱二十六卷他
著述稱是一時知名士皆出其門登康熙辛卯舉人
王徵蘭字鄭符體健孫工舉子業教授生徒人人得其
意及門從遊多取甲乙科者性沉靜動止有矩法家
無儋石意泊如也以壬午舉人爲潼川州同未幾丁
艱歸卒

霍則白字亮雅原名奇以字行邑諸生性豪邁能詩以
吟咏爲性命博古賞鑿寢食不暫舍古鼎奇石羅列

几案插架牙籤時人以況鄴侯

孝義

明

趙象賢邑庠生事親以孝聞母卒哀毀過禮既葬負土築墳廬於墓側者三年事聞旌表

劉憲國子生孝行素著父病侍湯藥惟謹顛天以身代及卒廬於墓側負土築墳遶墓植栢有祥瓜白兔瑞後母亦卒與父合葬有日矣哀毀骨立病不能履夜夢羽衣道士醫以藥病隨愈啓墳有芝草產於棺

會葬者咸嗟異焉事聞詔旌其閭

彭希武萬歷舉人少聘張氏女未娶而瞽張氏請絕婚
持不可于歸後室家和好時服其義仕至延安府同
知

李瑞庠生事節母張氏生而色養歿能致哀既葬廬
墓三年邑令表其門

袁松庠生早失怙恃事祖父承顏順志無少違及卒
廬墓三年有司旌之

李萬鍾孝事父母母卒廬墓側泣血三年事繼母委曲

承順得其歡心族黨咸稱其孝上憲屢旌表焉

趙宗信十三喪母繼母申氏待之嚴兩幼弟不能堪信委曲承順初習儒業爲母所阻廢方婚卽分爨粒米不以給困頓無以自存爲鄉塾句讀師得修脯必以供色養人不知其非申出也母老且病信以垂白年烘被侍藥滌溺器無怠母感其孝而薄己子鄉黨奉以爲式

郎汝梅性孝謹母卒盡哀盡禮築墳廬墓過者咸式敬焉撫按旌表數與鄉飲

劉爲可字小善邑諸生司空榮嗣子丰神脩遠博學工
文事親尤以孝稱司空督河道爲忌者所中繫請室
泣血奔走冒死相依倚司空卒痛父之寃哀毀踰禮
亡何亦斷食卒

王聯芳崇禎間逃兵南下肆劫掠芳同父國訪率鄉人
逃避遇騎兵傷其父芳赴救矢洞胷膈與父俱死里
人上其事給扁旌表

曹國賓幼業儒戊寅之亂父母爲亂兵所殺賓痛極絕
而復甦者再有田五十畝割半給天寧寺爲父母資

真福蓬頭跣足冬不爐夏不扇淡食數載

陳三黑甫八歲父母爲土寇張調甫所殺三黑痛罵之
賊曰罵亦殺汝汝不懼耶三黑罵愈力賊怒以刀砍
之罵不絕而死

胡希周庠生繼母病劇思肉味貧不能得希周斷指雜
蔬爲食以進母食之而愈

喬鳳山父喬孟夏病瀕死山默禱願減壽以延父年徧
索甘味父不能下咽乃割股蒸麪以進食少許而愈

鄉鄰拜慶者滿其堂

張 推隨父在田間值大雨雹有如杵者推以身翼父
納頭草蕘中父無傷推臥病三月乃愈

聶 鑑字以茹太學生以貲補官及被徵不起性好施
外親趙氏孤爲經理之使得所尤高義云

趙宗仁字春字義官輸粟賑荒撫弟遺孤雲漢如已子
冠婚以時產業均析纖毫無私邑宰給扁額旌之

劉榮祖光祿署丞司空榮嗣兄司空幼失怙且多病榮
祖提携持抱飲食教誨曲盡友愛司空亦事之如父
家庭之中藹如也

路從仁天性友愛有弟四人各因材受業已獨身任勞
役白首同居不忍析值歲饑諸弟不忍以多口累兄
乃各爨每視諸弟田當耕耘者操犁鋤率衆力作爲
諸生者給以紙筆兄弟怡怡終身無疾言厲色

夏九山庠生與弟九疇析居二十餘年念弟負債多恐
弗支代償銀二百九十餘兩士論躋之

本朝

路元升字廷彥都御史振飛孫康熙間進士授檢討工
詩善書性純孝父歿哀瘠甚母諭之卽強步少飲啖

久委頓猶強起奠几筵戒家人毋以病聞母禮不勝
情竟以毀卒事聞旌表

王棟字吉隆澤洪長子歲貢生爽直尚義樂周人緩
急同里賈運恒急需百金持卷請貸給金却其券後
復資數百金使貿易虧折慚甚以居產償却之並焚
其券

安居庠生父明國歿廬墓三年以哀痛故年未四十
而鬚髮盡白家貧事母力奉甘旨閭里稱爲純孝康
熙間旌表

任傑字漢三母早喪事父與繼母田氏孝未幾父卒
田育二子俱幼且家徒四壁傑竭力經營爲母弟供
養課讀兩弟寒暑相保母歿後喪祭如禮教兩弟皆
爲諸生

王朝諫輕財好義有族弟貧無依授之田使娶婦鄰人
有攜妻自鬻爲人奴者與之金使相守如初與人通
有無未嘗索負視不能償者盡焚其券邑人咸推長
者

李有福七齡失怙依兄以育後以從叔母寡而無子移

家就養之力耕承事不啻所生時以孝稱以子汝楫
巢縣知縣封文林郎

牛吉士字羽皇工屬文爲時所稱舉乙卯鄉試繼母史
氏卒外家貧甚出已貲收養之始終不厭父躬厚爲
廣宗論染病幾不起朝夕憂慮遂以獲病頃之竟卒
卒之日惟以父疾未愈爲憂一時嘆爲純孝

論曰扶風氏以九品定古今人物是非高下間蓋不能一
無刺謬然則執持所見欲以白別前賢遠哉其濶於事也
以余論列曲先民詳矣嶽峙川融各自其所造以成其所

是功烈文章煌乎不可掩以至一節之行信心而出歐陽
子所謂其天性近者咸卓卓具焉嗚呼披平恩故蹟循覽
灌上憑弔俯仰足爲後人興起古稱鄉先生歿而可祀於
社信夫編其所聞以時爲次班氏例殆不復可用云

列女

易曰無攸遂在中饋貞亮明白女德所崇也自劉向傳列女范史因之淑範之垂彰彰矣顧其紀載或才幹文藻不必一以節烈爲裁共姜伯姬之操猥與明君蔡琰並著悲夫曲邑故趙地慷慨義俠不獨丈夫然也飲誓盟心或瀕死而不以易他如柔徽順正莫不聲施藉甚稱巾幗完人錄而存之亦以彰教云作列女志

宋

李母張氏壽郡忠愍公李若水母也高宗在瀋郡時爲

質於金潛歸道經母莊索漿飲託言商於磁相聞爲
金兵劫擄至此母曰君非商旅也適有金騎來追問
康王吾給之曰過此已兩日追者舉鞭擊鞍嘆息去
矣因進酒食王問其姓氏泣不言再三詰之曰妾之
子李若水也已死金軍見爲忠臣妾不恨矣妾聞磁
相密邇有宗澤在焉食足兵強天下事尚可爲幸大
王勉之因出金銀數兩以獻王爲泣下乃去

明

史氏袁陪妻有姿容肥鄉農家女流寇亂遇賊於漳水

瀕欲污之堅志不從投水死

張氏李傑妻夫卒遺一子貧甚日力勤以奉舅姑素服
槁容至年八十餘卒旌表

段氏方大林妻值歲凶挈家就食河南夫與姑繼亡一
子尚在襁褓扶二柩歸葬艱困備嘗而所守益勵卒
撫幼孤成立年七十八而終巡撫屢加旌表

牛氏宋鑑妻夫亡撫孤守節七十餘歲卒巡按旌表

李氏張賓妻十九歲夫亡一子甫二歲孀居四十餘年
志節不渝巡按表其閭

王氏張宏儒妻年十九夫亡家貧遺一子亦早殤內外
無所依倚氏茹苦履厄有人所不能堪者守節四十
餘年卒

張氏魏冬妻二十一歲而寡遺一子早殤守節不渝人
服其貞烈撫按屢爲旌表

張氏劉耀妻夫死子幼氏甘貧苦撫育弱息歷四十年
清白之操人無間言卒受旌表

武氏張鴻妻二十三歲夫亡撫孤守節四十餘年卒當
事者表之曰貞節

王氏司訓王育英女員外郎李仁子庠生東安妻安卒
氏年二十與孀姑方氏形影相依堅志不移當事表
其門曰雙節

張氏任俊妻夫亡年二十七遺孤僅七歲矢死守節教
子尚質爲諸生至七十餘歲卒有司表以貞節

陳氏平鄉縣農家女年十七適馬遂店李龍于歸甫十
八日而龍卒舅姑欲嫁之氏誓不改志服闋詣夫墓
拜奠盡哀縊而死所著衣服皆緘線密綴其從容殉
節如此

李小白水德堡李宜女年十七美姿容正德中流賊亂
同衆婦逃匿叢棘中賊見之逼令上馬小白大罵曰
我良家女豈爲汝強賊所侵犯耶衆婦多勸之小白
罵愈厲賊怒支解之監軍聞於朝爲築墳勒石肖像
以祀之

賈氏漳遂楊進科妻年十九夫亡遺孤未彌月氏躬勤
績紡事老撫幼守節五十餘年卒

宋氏胡一貫妻年十九夫亡遺孤定邦方三歲姑七旬
餘氏孝慈兼至松筠之操四十年若一日撫按旌表

之

傅氏馮臣妻夫亡撫幼守節五十餘年卒

路氏董余臣妻夫故遺孤未週歲氏痛董氏之脉不絕
如綫殷勤鞠育歷百苦而志不移卒旌貞節

胡氏生員趙宗陽妻早寡事姑以孝聞苦志守節終身
不變

蘇氏劉重華妻重華早孤母勤勞撫育而中道亦殂氏
不惟痛一身之失天更悲姑老之缺養長夜拮据用
供甘旨歷四十年刻苦如一日

世系表
卷之十一
四
第三十
谷氏李一濯妻夫亡子幼苦節四十年有司旌表其門
馮氏楊一奎妻夫卒遺孤未盈月而翁姑年邁氏養生
送死辛苦萬狀子長黽勉有無以供脩脯人稱孝節
慈兼盡屢被旌表

韓氏范思道妻夫卒無子家頗饒親族虎視有謀奪其
志者氏從一自矢不爲稍動又嘗出粟以助賑濟鄉
里欽其節而感其惠云

魯氏李果妻夫亡遺二孤家貧甚躬操井臼勤苦績紡

訓二子俱克成立

韓氏張守正妻夫故無子栢舟矢誓奉孀姑備極誠敬
舉止嚴峻終日不見言笑又嘗捐資修學郡縣每加
旌表

趙氏武守已妻夫卒孝親教子族有絕產輒推以與人
衆咸服其義公舉節孝

常氏袁自友妻年十七而寡子女俱無父母欲奪其節
堅志不聽鄉人高其義以大姑稱之有盜誤入其室
聞氏聲相率遁去歿後人呼其塚爲常姑云耆老婦
女歲時拜祀不衰

霍氏庠生聶明瑚妻主事雲翰之子婦于歸時明瑚病已篤不五日而寡未行廟見禮翁姑欲送歸氏堅不聽乃爲立嗣氏謝絕膏沐潔比冰霜內外諸親罕見其面至六十歲卒建坊旌表

田氏新寨農家女董春妻夫幼而駮姑淫悍與僕人私百計誘氏堅不動又強逼之卒不能污姑怒割双腹下而死事聞僕凌遲姑以杖斃表其門曰貞烈

霍氏河南曠曹妙兒妻繼姑性悍而行醜舅衰憊不能制年荒僦居道傍爲逆旅強氏當爐不從遂逐之氏

就宿堡內依孀伯母家姑仍以織紉井日事擾之氏
晝供姑役夜作糊口線布所入糧不盈在姑輒持去
氏絕糧數日投井死聞者哀之表以貞烈

霍氏庠生秦贊元妻年二十三夫亡事孀姑盡孝堅節
撫子巡按旌以節孝

李氏南衙村龍三才妻十九歲孀居至老

張氏袁鑑妻四夫人寨人十八歲夫亡守節至七十餘
歲卒

趙氏河南曠趙价女本鄉曹堯邑妻邑素不悅於繼母

娶氏踰月卽俛另爨邑貧不能度積憂而死氏年僅二十一有二子身無完衣日不再食父欲奪其志氏勿到自誓乃止苦節至八十四歲卒

李氏公城堡韓鐸妻崇禎中兵叛其翁日章死於賊氏被縛挾馬上度不免乃奮力投地大罵曰汝今攜我汝父母妻子寧不爲人所擄耶我當爲厲鬼以殺汝賊怒碎其腦而死

邵氏焦兒莊李純盛妻事姑最孝崇禎癸未兵亂姑妯鄰戚輩避地洞中氏爲兵所得問洞所在氏不言兵

覺其隱刀鞭交下乃給之行經井傍投井死洞中五十人皆得免

張氏廣夏王國英妻張調甫之亂避難母家爲賊所得逼使上馬不從抱幼男投井死有司表以貞烈

陳氏漳隸村庠生李養性妻廣宗陳準女十九歲而寡一女甫三歲子生五月家貧無依父母逼嫁之氏欲自殺父母懼乃不復言後屢遭兵荒瀕死不渝志女旣嫁子完娶以勞苦悲痛成宿疾其子求藥療之氏曰爾父歿時吾卽有死志以藐孤無託耳今幸成立

我何用生爲不藥而卒

秦氏庠生李文煥妻年十九夫亡無子孝事公姑以節

終

張氏西關王化蛟妻夫陣亡氏甘貧苦守至老

霍氏孝固村庠生映華女楊若夢妻崇禎戊寅兵亂與
姑同被劫氏曰姑老無用我願代之兵釋其姑扶氏
上馬行四五里墜地大罵曰吾不往矣先言求免吾
姑也我豈從汝者兵怒殺之

劉氏河南曠曹淳妻戊寅之亂避兵鷄澤城破婦女悉

驚竄氏曰兵戈滿地去將安之祇自辱耳携兩男
淚投井死

李氏郭棠妻戊寅之亂棠先外出氏偕家逃匿兵搜得
其翁姑殺之氏携幼男并夫之七歲幼弟同走力罷
度不能俱全或教之捨叔而抱子氏曰翁姑死矣叔
豈能再得吾夫倘或未死子尚可望也竟棄子負叔
而去聞者義之

王氏大連寨胡一任妻本鄉王守節女年十九夫卒撫
子見華成立娶媳張氏年十七見華亦卒家極貧且

值兵荒姑媳相依卒不渝志時稱一門雙節

馬氏庠生李成龍妻年十八成龍卒遺女在抱氏欲以
死殉家人防之不果事姑最孝姑歿人憐其孤貧或
勸之嫁輒自經幾死後歷遭兵疫備極艱苦終持冰
操三十年而卒

韓氏王一相妻安兒寨人性端重慈孝夫亡撫孤守節
至七十二歲卒當事旌表其門

段氏楊應麟妻北趙兒寨人年二十二夫亡無子守節
至六十四歲卒

趙氏張維德妻年二十六夫亡守節不渝年七十五卒
撫按旌表

王氏北高兒莊張深妻年十九而寡與姑撫猶子依荷
爲命至七十一歲卒

盧氏軍寨成應召繼妻嫁九月而應召客死氏上事祖
姑舅姑下撫其夫前妻幼女家無寸土老弱嗷嗷待
哺氏針指以給三親終養葬祭如禮一女復孀閨教
鄉里重之

賈氏馬蘭村方芬繼妻適分逾年而寡芬前妻子名題

甫九歲無立錐地常自忍饑寒俾子從師受學晚歸
母子相依刀尺聲與讀書聲午夜不輟卒以節著

霍氏庠生楊德純妻年二十五歲夫卒二子相繼喪家
漸凋零日以織紡佐食年七十一歲卒粹然無議鄉
閭稱之

劉氏漳遂村庠生楊承業繼妻年十八夫死無子撫姪
至成立冀得其養弗遂伶仃孤苦六十餘年卒

郭氏陳名鑑妻大司農于陞孫婦鑑卒時氏年二十二
遺一子亦夭茹苦守節矢死靡他年六十餘卒人咸

欽仰

以上俱崇
祀節孝祠

本朝

杜氏許字岳含球年十八未于歸而含球病危娶婦以厭之甫三日含球亡父母欲令改適氏曰從一而終愚婦人不得昧矧兒爲宦家女耶涕泗誓死堅忍冰霜歷年八十卒

范氏本城庠生王泗妻年二十餘夫亡姑老子幼操作經營以佐甘旨居數載娶婦舉孫未幾子及媳相繼死氏復鞠孫孫亦孺孺然獨處數十年邑人哀之督

學錢公陳羣表其門

彭氏大同令冀齊芳繼妻年二十五而寡遺二子俱弱
齡氏飲泣撫孤課以儒業後長子鼎入泮次子璋貢
成均克承其世皆氏之力也年八十七歲終

劉氏漳河頭張名遙妻年十九夫亡無子家貧甚斷髮
自矢時名遙兄嫂亦相繼亡遺子女各一伶仃無依
氏更以義撫之百計營持餽粥與共及長婚嫁各因
其時至今張氏子姓繁衍家計稍豐蓋賴氏之力云
年七十三卒

楊氏陳啟芳妻矢志貞潔堅志不渝被鄰人李祥逼姦
不從致死康熙五十八年 題旌

趙氏庠生趙振女許字庠生岳峻子養仁未及于歸而
養仁病痿峻以子病白於氏父令改字氏聞而泣曰
一日之盟金石不渝況婚姻之事乎若不得已必死
之父不能強卒歸養仁舉二子而養仁亡氏堅心守
節孝事公姑教子成立年四十二而卒

石氏張毓仁妻年二十一夫亡遺子甫五歲而姑已老
氏早夜辛勤養志撫孤孝慈兼備孫辨達補博士弟

子問達領鄉薦氏年七十八卒

蘇氏王顯榮妻年二十四而寡遺子永揚守之成立娶
媳暴氏而永揚亦亡暴年二十一毀容自矢姑媳孀
居飲冰泣血慈孝並稱蘇年七十七暴年四十二卒
王氏劉楷妻年十九夫亡嘔血數升一慟幾絕自是矢
志守節撫嗣子如已出乳乳數十年乾隆四年 題
旌

趙氏楊芝瑞妻夫亡時而氏年二十六苦志守節八十

餘歲卒乾隆五年 題旌

王氏衛綽妻監生王澤瀝女結褵六載而綽亡二女僅
懷抱氏矢志從死絕粒食久之翁姑反覆諭乃止悉
屏鉛華代夫勤子職孤燈一室不履閫外三十餘年
人稱完節乾隆五年題旌建坊

彭氏翰林檢討路元升妻貞靜端淑事姑至孝年二十
五元升哭父死遺孤焯在襁褓室雖素饒而所遇坎
壘較寒素倍難氏委曲調劑教子成立補博士弟子
人謂孝子節婦食報且未艾無何焯又卒氏與媳楊
氏苦節共好歷四十餘年彭以命婦例不旌表楊於

乾隆五年 題旌建坊

岳氏王文明繼妻素習女紅性至孝于歸五載而夫亡
前妻子熈甫七齡氏矢以死殉勺水不入口者數日
或勸以夫有遺孤將安所依依因強進飲食撫育教誨
俾至成立舉孝廉人咸謂得之母訓

霍氏孫開先妻年二十二夫亡苦節至六十餘歲乾隆
七年 題旌建坊

雒氏張擢妻年二十四夫亡守節乾隆七年 題旌

冀氏李翹材妻年二十二夫亡無子堅貞苦節歷五十

餘年卒乾隆七年 題旌建坊

李氏張克纘妻年十七被丁五強逼不從羞忿縊死乾

隆七年 題旌

岳氏高黑子妻孝事舅姑克勤婦職夫病家貧藥餌莫
給夫思羹湯乃割股爲湯以進闔邑請旌以未符例
而止

李氏冀驪妻年十八夫亡無子毀容守節謹事翁姑撫
繼嗣俾成立歷今六十餘年督學錢公陳羣表其門
楊氏王澤廣繼妻年十八夫亡守節撫夫前妻子倚如

已出恩勤教誨爲諸生有學行凡夫所未竟志必勗
椅成之

黃氏王涵煇妻年十九夫亡無子苦心守志終身茹淡
素歷今六十餘年督學錢公陳羣表其門

路氏吳昱妻年十九夫亡無子苦志守節年五十三歲
卒邑令旌其閭

苗氏閻秉公妻子歸數載夫亡遺一子亦殤父母憐其
少欲嫁之氏聞哭絕於地久之方甦誓以死守苦節

數十年卒

王氏范邦隆妻年二十九夫亡撫子信讀書入泮娶媳
李氏逾三載信亦亡姑媳孀居同心一節王年七十
七李年四十五卒人稱雙節云

申氏賈成龍妻年二十四而寡孝奉翁姑撫孤成立歷
今苦節四十餘年乾隆十二年 題旌

張氏劉可達妻年二十三而夫亡撫孤守節謹事舅姑
至今四十年

姚氏生員李元霖妻年二十三夫亡矢志守節父母憐
其少陰媒之媒約已叛迎有日矣氏覘知之哭泣終

夜闔戶自縊死

石氏東寺頭人適本村許氏子亡何夫故氏年甫十九
舅姑謀遣之浼隣母喻意氏哭泣無一言已而竟受
聘氏聞驚怛不食娣姒環勸乃言笑更衣衆稍稍散
扃戶盡焚褻服入夜遂自經

薛氏劉思學妻年二十七夫亡撫孤守節內外無倚歷
四十年不渝教子入泮完節保孤人咸稱焉

陳氏李之用妻年二十六夫亡舉遺腹子家貧無以奉
姑氏紡績供朝夕苦節三十二年卒

張氏李懷妻年二十七而寡堅心守節至九十歲卒邑宰給扁旌其閭

薛氏呂璽妻二十六歲而寡家貧子幼績紡自給歷三十九年卒

論曰自李母張夫人以逮呂璽妻薛氏皆制行卓然可稱道足以見於世不朽矣編述之下未嘗不廢卷嘆也嗟乎君子偕老雜佩鳴歡詎不閨闈大願至不幸以節著集蓼茹苦以得名於一時始念豈嘗及此然其風節所被至令聞者生感傳者意移正氣所鍾始天之所表也至白女韓

鐸妻等事尤奇偉膏刃碎首而不恤嗚呼懿哉

考獻徵文一邑亦資掌故事紀所編烏可畧耶顧義各區
別理難一貫正史所載具有顛委可悉而虞初志怪寧謂
詹詹小言廢不錄與耳目聞見之異父老之傳均堪掇拾
學士篋中物拮據當不遺耳至災祥之故著於春秋然洪
範五行儒者或不道依類附見俟諸博洽者作雜事志

魯宣公十五年六月癸卯晉荀林父敗赤狄於曲梁

左傳

晉侯之弟楊干亂行於曲梁魏絳戮其僕

同上

陳矯爲魏郡西部都尉曲周民父病以牛禱縣結正棄市

矯曰此孝子也表正之

魏志

崇禎十七年三月李自成陷京師置僞官於曲邑越數日
僞權將軍統甲馬數百拷掠大姓搜括貲財縣丞張天爵
等謀恢復不克死之事詳忠節

舊志

張治邦者優人也以膂力得守備劄順治元年六月逆闖

僞官遁時衙役鴟張掠紳士邑著姓悉屏伏治邦倡亂聚

衆幾千人以誅衙役爲名搶劫縣境河南曠屯集其中遠

近被害越數日官兵捕之敗去同事者誘送本縣伏誅

同上

宋伯光不知何許人順治八年潛遊至曲周詎稱朱姓子

與周循昌張振魁王鳳等相結時有栗菩薩者素燒香惑衆乃相與倡言亂且起人以印布一片爲識得不殺願者以銀五分易兵燹後人懷驚悸爭鬻藏之冀免禍因假稱凡有布者皆其黨陰約街役唐禿子等啟南門扃爲內應事覺捕得振魁拷掠獲實王鳳等以次擒伯光跳去株蔓甚衆

同上

張調市山東館陶人爲士莊練長有馬數十匹搶掠臨清館陶冠縣威縣曲周廣宗鉅鹿間不時出沒凡鄉村未到處額銀數索之稍拂卽縱掠時莫誰何有王昌者邑之新

寨人從調甫爲盜尤驍黠恣行無忌數十村被其毒外受
招安陰姦利爲不法無敢抗者知縣李時茂捕殺之

同上

貢生王特任生有異徵爲人丰采秀出弱冠負文名順治
七年三月忽告父曰上帝有冥旨命兒撰文與蘇州進士
李登華登州孝廉王之佐福建孝廉王大任共事俱將至
與兒偕行期在某日矣時特任尚如常父以爲誕也置之
至期獨處一室多作問答語謂與三人者談也慰父曰大
人勿慟兒受任無久羈理宿緣未盡或可結未了因言已
遂卒此與李賀事頗相類特任卒時年二十五

同上

諸生宋文翰病呃逆勺漿入口輒嘔不止予歐禱天願代
一夕夢至一所蘆荻蕭然茅屋中坐道士以父病求醫道
士問父安在頃之父至道士命張口出肺肝敷以藥血涔
涔下驚寤父病脫然如失亦異事云

府志及舊志並載

狗仙者逸其名西鄉張氏子父母亡棄家出遊久之返言
語顛謬不可解時發元妙語叩之輒亂以他事晝行乞夜
息荒祠中得二犬奇愛之寢食與共醫疾頗獲驗至病者
家不具賓主儀携兩犬上坐割炙轟飲餘肉卽餽犬其治
病不以針餌置飲食病者前強之食卽能食病良已所獲

金錢隨手散去或遇風雨無從覓卽不食盡數日如常性
惡僧遇則伏地掩面不欲視後不知所終

同上

五間房北有龍母三娘廟始建於唐相傳有黑龍潭泉眼
通海歲虔祀乃安瀾郡守偶闕供水騰湧沒數百里守以
獲罪其三夫人憂之請代禱因投水塞泉水輒止遂廟祀
焉其地視漳水堤低二三尺漳流泛漲每漫堤而廟中無

水

同上

河南曠土地廟不知始何時漸傾圮矣諸生麻天祥者素
無疾忽大笑仆地移時甦語人云初見美丈夫延之廟中

樂樓上命酌酒色縹綠俄勅青衣易之餘盤盃與世同飲
次見婦人二艷麗殊俗丈夫目曰妻奴無藏身地幸建廢
生唯唯已而覩庭柏下繫一人則鄰叔也繩結於項呼生
祈救生爲求緩得逸去乃請歸云無明命恐驚家之人丈
夫曰有刺果得刺案上曰崔某拜字頗適勁先是鄰叔者
病噎苦不食至是病忽愈且述夢中見救事如生言生遂
募所親建寢宮三楹妥焉邵生鶴徵生仇也將以惑衆首
使邵雅操者截其脊方登而火撲面墜地幾絕又初酌生
時鄉人蔡天保過樓下見之賓主儼然失聲驚走再視遂

無所覩

舊志

趙氏貧家女也美姿首妍麗若神年十七歸蔡氏每拜斗或謁寺禮佛姑惡之曰美而郊遊必辱門不如死也氏曰姑欲我死乎卽瞑逝姑哭之慟移時徐開曰姑疾呼我欲我活今活矣自是不出里閭旦夕親紉組無他異也至九十兒孫慶元日氏曰今年拜吾床明年拜吾墓問其期曰吾以六月十三來仍以是日去及期食飲自若女孫謂其爽信氏曰午刻耳盥櫛更衣問午刻未家人曰是矣遂

卷之二

張調甫之亂嘗以數百人劫河南陳村中男婦於諸生趙
書樓上避焉賊火其樓死者甚衆有趙元者年七十餘矣
火逼上屋山忽崩墜直下數丈如有抱持者墮地竟無恙
又同時有馬從相妻李氏負未歲男自樓上擲兒下地匍
匐自若氏亦隨墮樓抱之疾走如平時同

高兒莊男子軼其名赴平鄉集過第二疇避雨程姓車屋
下俄火光撲面霹靂大震同避八九人皆無恙而男子委
屍雨中筋骨如蛻去同上

光緒五十二年有虎自東北來經曲周界入永年兵衆驅

志 永年

元儀澄水帛云李若水初藁葬於揚州蜀岡紹興十一

年五月二十三日遷葬於湖州歸安縣廣德鄉小村南黃

龍塢少傅公塋之左勅賜墳寺額曰褒忠永慶禪院

湖州志

按忠愍公盡節鄭壇史無賜葬事誌銘亦不傳今子姓
之在吾邑者幾不能自舉其世系當時何以葬歸安誰
爲之遷俱不可考止生之言宜必有據
姑識之以俟知者少傅亦不知何許人

王大司馬 鶚初任本兵夢于少保謙來誦一詩中云空

山青淚憑誰訴萬里忠魂獨自歸未幾浙撫傅孟春疏請

改公諡於是議改肅愍爲忠肅云

帝京志

保寧寺在縣治西寺後有藏經閣巍麗冠一邑形家言謂
縣龍脉自西北至經此一聚爲文風結穴本縣科第之祥
毓此康熙初有建議改造者士子羣不便已而鄉書無
人得預隨復舊規後知縣崔湄毀其上層仆諸像投之水
邑人屢不第論者頗歸咎焉今雖間有磨舉而日就彫悴
青烏言固不必信可驗要之利害不什伯法亦未可輕議

變云

見聞
續錄

相傳城北隅舊有水怪嘗夜出擾民家居人苦之構宇

顛祀真武怪遂息今祠祀而居者亦無恙

同上

康熙間知縣崔涓引瀋水入城週尊經閣射圃亭植柳藝
蓮又於城四圍藝蓮數百本夏秋之交宛然水國今渠潭
蓮與柳皆盡水濱蘆荻間有存者

同上

城東史兒寨前黎明時常有城郭高丈許雉堞悉具遠望
儼然居民多見之按天官廣莫之氣成城郭今村落鱗次
人居相接豈地氣之幻固不可測與

同上

邑東北鄉曰辛莊白果樹一株不知始何時大幾百圍蟠
根幹榦勢若虬龍蒼翠陰森垂蔭數畝居人遂以名村

同上

酸棗樹在馬羅堡枝幹盤鬱近數百年物相傳爲神鄉人

有誤材之者血隨刃出驚去遂不敢伐

舊志

西郊鄭門堡距城八里許地悉浮沙居民以果蔬爲業村
前地縱廣數十頃坡陀層累高下若盤山叢植皆杏林也
枝柯交映多百餘年物每春時花放燦若明霞雲錦斜披
丹繪還被好事者多挈朋載酒物色之

見聞續錄

呂洞固村有琉璃井傳係仙人所造今出水四五尺光彩
肆映非磚非石閃爍動人洵不可解

同上

三教堂建自道士吳青海先是邑北何家莊屢有怪擾青
海素痴狂行乞至此忽書木牌于二教鎮路口邪魔無處

走村人異之如言建廟而怪息

節舊志

按三教之名不知始何時晉魏以來雖髡緇皆稱曰道如竺道生支道林是也齊梁後乃立位學亦初無上清玉清等目自釋氏言因果道家遵符籙愚者怵焉巋然與吾道躋矣宋元中間三教之名盛行學士大夫習爲常然朱甕碧瓦飾漆粧金雪山苦縣幾軼闕里而並之慢聖不經誕妄已甚國家敦崇正學力挽人心奉文凡堂之以三教名者俱行查毀從此二氏之流無所藉口而氓之辨香亦不至以祈福禳災誣我斯文綱常羈而名教彰將以還淳復古廸斯民於三代之隆世風豈云小補故因吳青海事而附識於此

僧演教河南曠曹氏子爲五臺山顯同寺院主明皇太后李賜衣一襲後端坐而化持誦經典必求諸理爲一時緇流所不逮又舊志載僧成一廣玉自然恒師各坐化等事

然經律之傳無可紀者廻光涅槃亦釋子常理故削之而

附於此

同上

道人韓太湖第二瞳人未嘗受讀自能知醫所著有經懺若干卷明天啓間刊刻行世然詞旨殊鄙淺獨醫病頗著

奇蹟

同上

按韓太湖習老氏言以醫遊江湖無他奇也本邑人亦初無遵奉者相傳明熹宗時部刊經懺事殊不經而愚夫耳食聞外間乃有洪陽教主之號訛以沿訛世俗率類此舊韓氏有家廟踰制前令崔公湄毀之今其子孫方兢兢畏法以耕讀爲良民而一二無識者流不稽本末且藉以爲標榜謬矣

籍大成幼不治家人產喜道家符籙遊四方行踪多秘後

至遼東隸撫軍預兵事常以尺檄走邊關通好講解數十

往返無失詞後竟隱不知所之

同上

列仙傳嘯父冀州人在曲周市五臣註魏都賦引入事蹟

不詳附載於此

按舊志載寓賢孫奇逢及明極瞻和尚考夏峯先生爲吾道斗山固所至增重然信宿一過絕無事迹可述似不必過爲附會而僧瞻亦初無殊尤行事所論宗旨不過前人膚殼則所謂開堂傳戒未審不墮入辟支否故皆畧之

災祥

元

大德元年饑

六年大水

至正十八年蝗

明

崇治四年廣平大水曲周尤甚

嘉靖二年春黑風晝晦烈日無光

八年旱蝗

十年進祥瓜

十四年四月十二日大雨雹傷麥

三十二年霖雨殺禾歲大饑

三十四年夏地一日三震聲如雷十一月十二日地

震

三十九年自春徂夏不雨大無秋禾冬十二月冰紋

如花樹

四十三年七月大水潰城東西門

隆慶二年大水

萬曆二十五年八月二十四日冰動有聲

四十六年雨雹大如杵

四十七年七月地震九月天鼓鳴

天啓六年大水地震蝗傷稼

七年地震

崇禎七年冬除夕雷有聲

九年雨水潰堤浸城

十一年夏水中得如猴獸

十二年夏蝗蔽天傷稼

十三年大饑斗米一兩人相食

十五年秋九月霖雨黑氣見城北如連城三日

十六年黑氣繞城兵刃有光

十七年元夜風霾樹有火光夏無麥是歲卯伏鷄四足豕鼻端有角

本朝

順治三年春霖雨傷麥

六年春至夏不雨無麥

八年秋八月流星如月

九年大水

十一年夏雨雹殺禾五月大雨冰漂麥秋八月四日

地震

十二年春至夏不雨秋七月蝗

十三年春三月甲申風霾竟日夜有冰傷麥

康熙二十四年河決水浸城

五十一年河決趙兒寨水浸城

五十五年河決

五十七年春正月十七日大雷震電

六十年饑

六十一年饑

雍正元年四月七日大風霾晝晦樹有火光

七年雨四十日傷稼

乾隆四年蟬

七年旱冬奇寒

八年六月旱酷暑人多渴死

論曰史傳所載詞尚體要方言瑣事理無記錄邑乘存一
邑典故不得以此例過而廢也毋寧存之防風肅慎萍實
商羊聖人有採焉藥籠備用不必丹砂赤箭矣又左氏好
神怪史家因之庶徵之應莫不比合其事矯誣之失往往

見誦通人然二百四十年星飛石言蟻蠓水火莫不謹書
遇災而懼亦以重民事爾以其一隅之微不得從史家例
合爲一帙以資檢閱云